

Alketab ka angguy nak - kanak
ka angguy

Yesus Mabaras Oreng Buta



Etos bi': Edward Hughes

E elustrasi agi bi': Janie Forest
Alastair Paterson

E potdhut bi': Ruth Klassen

E terjemah agi bi': Anik Kongariawati


E gabay bi': Bible for Children
www.M1914.org

©2023 Bible for Children, Inc.

Ba'na bisa pa - banyak otaba anyitah careta', se abit tah juelah.



Bartimeyus reng buta, ju'-toju' e penggir lorong semma'na Yerikho. Orenge ngemmes. Reng-oreng badha se kaneserra pas berri' pesse otabe ngakanan bile reng-oreng alebat. Bartimeyus ta' bisa alako sabab ta' bisa nenggu'. Dhibi'na bisana ngemmes.



E settong are, e lorong ce' rammena. Bartimeyus
ngedhing badha munyina soko se lebat. Kadaddiyan
jareya ta' biasana. Pas duli oreng buta jareya
ajarre kadaddiyan sabelunna.



Yesus dhari Nazaret badha e dhalem kottha. Orenge banya' akompol gabay nenggu' Yesus, agabay ngedhingagi Yesus.



"Yesus, Pottrana Daud, kaneserre abdidalem!"

Arapa'a Bartimeyus aera'? Arapa'a dhibi'na mekker ja' Yesus bisa nolongnga? Napa dhibi'na la ngedhing badha orang laen se epabaras bi' Yesus.



Pan-barampan orang tuli, pan-barampan orang bisu, pan-barrampan orang lumpuh ban pan-barrampan orang buta, akantha dhibi'na. "Pottrana Daud kaneserre abdidalem," Bartimeyus aera' pole ban pole. Aera'na sajan kaja kalaban ce' terrona baras.





Bartimeyus arasa
partaje settong hal.
Mon ta' bisa e
tolongnga Sateya,
dhibi'na pas ta' olle
e bekto laen. Yesus
mi' ta' lebat pole e
lorong jareya.





Bartimeyus
kodhu nyedding
ka Yesus. Tape
reng-oreng
jareya ta'
ajalan. Ssssst!
ca'na reng-
oreng. Esoro
neng-enneng.








Tape Bartimeyus ta' endhe'
neng-enneng. Dhibi'na terros
aera'. Pas Yesus ambu!
Ngedhing! Makon oreng ngeba
oreng buta jareya ka Salerana.
"Ce' gumbirana!" reng-oreng
jareya pas ngoca'
ka Bartimeyus.
"Mara jaga!
Ba'na edikane."



Melpallagi kalambina, Bartimeyus
jaga ban nyedding ka Yesus.




"Apa se epenta'a ba'na ka Sengko'?"
Yesus atanya. Pas ba'na ajawab
baremma? Apa ba'na menta'a pesse
otabe kalambi se anyar? Apa jareya
se katerro bi' Bartimeyus?




Enje', se buta Bartimeyus ta' menta'a
emmas otabe kalambi se bagus
ka Yesus. Ba'na tao apa se
katerroanna.



"Towan, sopaja abdina terro nengalana." Bartimeyus terro nangale! Gabay nangale bu-tombuwan ban nok-manok ban sakabbina se sae se nyepta'agi Allah. Aba'na terro nangale pas bisa nolongnga aba'na dhibi' ban ta' daddi oreng ngemmes.



Laju Yesus adhabu ka Bartimeyus:
"Mara nangale ba'na, imanna ba'na
se nyalamettagi ba'na!"



Sakeje' aba'na bisa nangale, ban ngereng Yesus.
Dhibi'na pera' bisa ngoca' "Allah jareya ajaib'!
Salerana pabaras
sengko'!"
Jareya
kadaddiyan
se raja gabay
Bartimeyus.





Sakabbina oreng,
bekto nangale
kadaddiyan jareya,
ngamolja'agi Allah.
Sakale pole, reng-
oreng jareya nangale
kobasana dhari Pottra
Allah, Yesus agibe
tera' gabay
oreng ngemmes
se malarad.



Yesus Mabaras Oreng Buta

Alketab jareya nyareta agi firmanna
Guste Allah

se e bedhe' e

Markus 10; Lukas 18; Yahya 9

"Masuk ka firmanna Guste Allah e beri tera."
Bangsalam 119:130



Tade'



Careta Alkitab notorrangi Guste Allah paneka se becce se nyepa' agi manossa sopaja ba'na kenal ka salerana.

Guste Allah tao manossa ngaloko'agi se jube', se e sebut dusa. aokoman dusa jareya e patte'e, tape kataresna'anna Guste Allah ka manossa setalebat raja ban apereng Pottrana se coma settong, Yesus, se mate ekaju salib ban aokom kaangguy dusana ba'na. Laju. Yesus a bungo ban abali ka sowarga! Bile ba'na partaje ka Yesus ban apenta saleranan ngamponi dusana ba'na salerana angalako agi. Salerana rabu ban odhi ban ba'na sateya, ba'na odhi sareng salerana salanjangnga.

Bile ba'na partaje, ngadoa ka Guste Allah cara jareya: duh Guste Allah, abdi partaje ka Guste Allah, se daddi manossa laju seda sabab dusana abdi, ban Salerana odhi pole. Mara datheng ka odhi na abdi ban angapora dusana abdi, sopaje abdi odhi anyar, ban e are gu'laggu abdi oleh odhi ban Salerana. Abanto abdi noro'lampadda padana Salerana ban odhi na abdi daddi potrana Gustte Allah.

Ngabaca Alkitab ban ngadoa ka Guste Allah ban are. Yahya 3:16

